



ევროკავშირი
საქართველოსთვის
The European Union for Georgia



საგრანტო კონკურსი: ევროკავშირსა და საქართველოს შორის ასოცირების შეთანხმებისა და რეგიონული განვითარების საკითხების მონიტორინგი და ადვოკატირება კონკურსის მოკლე აღწერა და პირობები

წინასიტყვით

ევროკავშირის მიერ დაფინანსებული პროექტი - "სამოქალაქო საზოგადოების განვითარების ინიციატივა" მიზნად ისახავს საქართველოში სამოქალაქო საზოგადოებისათვის არსებული გარემოს გაუმჯობესებას, სამოქალაქო საზოგადოების ორგანიზაციების გაძლიერებას, ბენეფიციართა მიმართ მათი ანგარიშვალდებულების გაზრდასა და სხვა მონაწილეებთან კავშირების გაფართოებას.

პროექტს ახორციელებს კონრად ადენაუერის ფონდი (KAS) და ოთხი ქართული არასამთავრობო ორგანიზაცია - სამოქალაქო საზოგადოების ინსტიტუტი (CSI), კონსულტაციისა და ტრენინგის ცენტრი (CTC), საქართველოს სტრატეგიული კვლევებისა და განვითარების ცენტრი (CSRDG), განათლების განვითარების და დასაქმების ცენტრი (EDEC).

სამოქალაქო საზოგადოების განვითარების ინიციატივა შემდეგი 4 მიზნის მიღწევას ესწრაფვის:

1. სამოქალაქო საზოგადოების ფინანსური მდგრადობის გაზრდა დაფინანსების წყაროების გამრავალფეროვნებით, მათ შორის სახელმწიფოსა და კერძო სექტორის მონაწილეობით, ხელსაყრელი საგადასახადო გარემოს შექმნით, ასევე მოხალისეობის წახალისებით.
2. სამოქალაქო საზოგადოების შესაძლებლობების, ანგარიშვალდებულებისა და სანდოობის გაზრდა, რათა მათ უკეთ წარმოადგინონ ფართო საზოგადოების პოლიტიკური, ეკონომიკური, სოციალური და კულტურული უფლებები.
3. სამოქალაქო საზოგადოების მედიასთან, ბიზნესთან და ადგილობრივ ხელისუფლებასთან უფრო აქტიური თანამშრომლობით სამოქალაქო ჩართულობის გაზრდა რეგიონებში.
4. სამოქალაქო საზოგადოების ღონისძიებებისა და ინიციატივების მხარდაჭერა ეროვნულ და ადგილობრივ დონეებზე საჯარო პოლიტიკის სფეროში, განსაკუთრებით ევროკავშირთან ასოცირების პროცესში მიმდინარე რეფორმების თვალსაზრისით.

The project is implemented by the Konrad-Adenauer-Stiftung e.V., Civil Society Institute, Center for Strategic Research and Development of Georgia, Center for Training and Consultancy, Kutaisi Education Development and Employment Center



CSRDG-ის მიერ განსახორციელებელი აქტივობებიდან ერთ-ერთი აქტივობა ითვალისწინებს გრანტების გაცემას საზოგადოებრივი ორგანიზაციების ურთიერთკავშირების გამყარების და თანამშრომლობის ხელშეწყობის, საჯარო პოლიტიკის მონიტორინგისა და ევროკავშირსა და საქართველოს შორის ასოცირების ხელშეკრულების ადვოკატირების მიმართულებით.

საგრანტო კონკურსის მიზანი და ამოცანები

საგრანტო კონკურსი ემსახურება საქართველოს რეგიონების არასამთავრობო ორგანიზაციების მიერ ევროკავშირთან ასოცირების პროცესის და მასთან დაკავშირებული რეფორმების მონიტორინგისა და ადვოკატირების უნარების გაძლიერებას.

აღნიშნული აქტივობის მიზანია იმ ინიციატივების მხარდაჭერა, რომლებიც ხელს შეუწყობს ევროკავშირთან ასოცირების პროცესის, ღრმა და ყოვლისმომცველი თავისუფალი სავაჭრო სივრცის შესახებ შეთანხმების (DCFTA) და რეგიონულ განვითარებასთან დაკავშირებული სხვა რეფორმების ეფექტურ განხორციელებას.

საგრანტო კონკურსის ამოცანებია:

- ევროკავშირსა და საქართველოს შორის ასოცირების შეთანხმებით ან რეგიონული განვითარების სტრატეგიებით გათვალისწინებული რეფორმების განხორციელების სამოქალაქო მონიტორინგი.
- ევროკავშირსა და საქართველოს შორის ასოცირების შეთანხმებით ან რეგიონული განვითარების სტრატეგიებით გათვალისწინებული რეფორმების განხორციელების ადვოკატირება.

საგრანტო კონკურსში მონაწილეობის მიღება შეუძლია:

- ❖ კონსორციუმს, რომელიც შედგება ორი ან მეტი საქართველოში რეგისტრირებული და მოქმედი სამოქალაქო საზოგადოების ორგანიზაციებისგან, რომელთაგან ერთი მაინც რეგისტრირებულია და საქმიანობს საქართველოს ნებისმიერ რეგიონში, თბილისის გარდა. შესაძლებელია კონსორციუმში ასევე შედიოდეს რეგისტრირებული სათემო ორგანიზაციაც.

კონსორციუმის წევრის სახით ორგანიზაციას შეუძლია წარმოადგინოს კონკურსზე ერთზე მეტი საგრანტო განაცხადი. თუმცა ერთ ორგანიზაციაზე გაიცემა არა უმეტეს ერთი გრანტისა.

კონკურსში მონაწილეობა არ შეუძლიათ იმ სამოქალაქო საზოგადოების ორგანიზაციებს, რომლებსაც პროექტის მიზნებსა და ამოცანებთან ნებისმიერი სახის ინტერესთა შეუთავსებლობა აქვთ.

შერჩევის კრიტერიუმი

შეფასების პირველ ეტაპზე ყველა შემოსული პროექტი განიხილება კონკურსის მიზნებთან შესაბამისობაზე. პროექტები, რომლებიც საბჭოს მიერ ჩაითვლება კონკურსის მიზნებთან შეუსაბამოდ, შეფასების შემდეგ სტადიაზე არ გადავა.

შეფასების მეორე ეტაპზე პროექტები შეფასდება შემდეგი კრიტერიუმებით:

	შეფასების კრიტერიუმი	ქულა
1	პრობლემის აქტუალობა	20 ქულა
2	პროექტის მეთოდოლოგიის ეფექტურობა (მონიტორინგის და ადვოკატირების მიზნების და საშუალებების სწორი შერჩევა და საქმიანობათა ადეკვატური დაგეგმვა)	15 ქულა
3	ბიუჯეტის ხარჯთეფექტურობა	15 ქულა
4	პროექტის მდგრადობა და განმეორებადობა	15 ქულა
5	განმცხადებელი ორგანიზაციების გამოცდილება პროექტის მართვაში	15 ქულა
6	განმცხადებელი ორგანიზაციების გამოცდილება სამოქალაქო მონიტორინგსა და ადვოკატირებაში	20 ქულა
სულ ქულა		100 ქულა

კონკურსში მონაწილეთა განაცხადების შერჩევისას, თანაბარი ქულების შემთხვევაში, საბჭო უპირატესობას მიანიჭებს:

- სამოქალაქო საზოგადოების ორგანიზაციებს, რომლებსაც გავლილი აქვთ ტრენინგები სამოქალაქო მონიტორინგსა და ადვოკატირებაში თემებზე - EUAA/DCFTA ან/და რეგიონული განვითარება.
- პროექტის საქმიანობებსა და გადაწყვეტილების მიღებაში ქალების ჩართულობას.

შერჩევის პროცედურა

- ❖ საპროექტო განაცხადებს განიხილავს და შეაფასებს საქართველოს სტრატეგიული კვლევებისა და განვითარების ცენტრის (CSRDG) მიერ შექმნილი საგრანტო საკონკურსო კომისია. გადაწყვეტილება მიღებულ იქნება ზემოთ მოცემული კრიტერიუმების საფუძველზე.
- ❖ კომისიას შეუძლია მოითხოვოს დამატებითი ინფორმაცია და ჩაატაროს ადგილზე ვიზიტი შერჩევის პროცესისას.

საგრანტო პროექტის ხანგრძლივობა და დაფინანსება

პროექტის ხანგრძლივობა არ უნდა აღემატებოდეს **10 თვეს**. საგრანტო თანხის მაქსიმალური ოდენობა შეადგენს **5,000 ევროს**. პროექტისთვის მაქსიმალური თანხის მოთხოვნის შემთხვევაში სულ დაფინანსდება **5 პროექტი**.

დაბეგვრა:

მიღებული გრანტით დღეს-ს თანხა არ ანაზღაურდება. შესაბამისად, თუ გრანტით მიღებული თანხა დაიხარჯა დღე-ზე, გრანტის მიმღებმა ორგანიზაციამ იგი დადგენილი წესით უნდა გამოითხოვოს (დაიბრუნოს) საგადასახადოდან. პროექტის ხარჯების საბოლოო ანგარიში CSRDG-ის უნდა ჩაბარდეს დღე-ს გარეშე.

CSRDG არ ანაზღაურებს კონკურსში მონაწილის მიერ საგრანტო განაცხადის მომზადებისა და წარმოდგენისათვის გაწეულ ხარჯებს, მიუხედავად იმისა შეირჩევა თუ არა მისი განაცხადი.

განაცხადების წარდგენის პროცედურა

დაინტერესებულმა ორგანიზაციებმა განაცხადის სრული პაკეტი უნდა წარმოადგინონ ქართულ ენაზე ელექტრონული ფოსტის შემდეგ მისამართზე: csrdg.cssigrants@gmail.com
გთხოვთ სათაურის ველში აუცილებლად მიუთითოთ **“GrantCSSI_2018”**. განაცხადის გამოგზავნის შემდეგ მიიღებთ საპასუხო წერილს იმის თაობაზე, რომ თქვენი აპლიკაცია მიღებულია.

განაცხადის მიღების ბოლო ვადა: **2018 წლის 30 მარტი, 18:00 საათი.**

განაცხადის სრული პაკეტი მოიცავს:

- **პროექტის განაცხადი** - ელექტრონული ვერსია Word-ის ფორმატში.
ასევე, განაცხადის ბოლო გვერდი ბეჭდით და ხელმოწერით დამოწმებული, დასკანერებული JPG ან PDF ფორმატში.
- **დანართი #1 - პროექტის საქმიანობის გეგმა**, ელექტრონული ვერსია ექსელის ფორმატში.
- **დანართი #2 - დეტალური ბიუჯეტი**, ელექტრონული ვერსია ექსელის ფორმატში.
- **დანართი #3 - რწმუნებულება**, რომელიც წარმოადგენს საგრანტო განაცხადის განუყოფელ ნაწილს; რწმუნებულება უნდა იყოს ყოველი პარტნიორი ორგანიზაციის მიერ ხელმოწერილი და დათარიღებული, დასკანერებული JPG ან PDF ფორმატში.
- **საგრანტო პროექტის განმახორციელებელი გუნდის ძირითადი წევრების რეზიუმეები (CV);**
შესაბამისი კვალიფიკაციის დამადასტურებელი საბუთები. მათ შორის ტრენინგებში მონაწილეობის სერტიფიკატები სამოქალაქო მონიტორინგსა და ადვიკატირებაში თემებზე- EUAA/DCFTA ან/და რეგიონული განვითარება.
- **მონაწილე ორგანიზაციების ამონაწერი სამეწარმეო რეესტრიდან.**

დაგვიანებით წარმოდგენილი და არასრულად შევსებული სააპლიკაციო ფორმები არ განიხილება.

ამ კონკურსზე პროექტის წარმოდგენით მონაწილე ორგანიზაციები ადასტურებენ, რომ წარმოდგენილი პროექტი მხოლოდ მათი ნამუშევარია. კონკურსის დროს მიღებულ დოკუმენტებს CSRDG-ი მხოლოდ განხილვის მიზნით გამოიყენებს და არ გაუზიარებს გარეშე პირებს ან ორგანიზაციებს, გარდა საქართველოს კანონმდებლობით გათვალისწინებული ან პროექტის დამფინანსებლის მოთხოვნის შესაბამისად განსაზღვრული შემთხვევებისა.

საკონტაქტო ინფორმაცია

დამატებითი ინფორმაციისათვის შეგიძლიათ:

- დაგვიკავშირდეთ ელექტრონული ფოსტის საშუალებით შემდეგ მისამართზე:
csrdg.cssigrants@gmail.com
- დაგვირეკოთ მობილურზე: **595 36 00 22**

საკონტაქტო პირი: თამარ ზაქაიძე - გრანტების მენეჯერი

კონკურსთან დაკავშირებით შემოსული შეკითხვები შესაბამისი პასუხებით გამოქვეყნდება ვებ-გვერდზე www.csrdg.ge.

საპროექტო განაცხადის მიღების ბოლო ვადა: 2018 წლის 30 მარტი, 18:00 საათი
(თბილისის დროით)

საბოლოო გადაწყვეტილება პროექტის დაფინანსების თაობაზე მიღებულ იქნება არაუგვიანეს
2018 წლის 18 მაისისა